



SLUŽBENE NOVINE

OPĆINE MAGLAJ

**BROJ
8/20**

Maglaj, 22.10.2020.

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača: Mirsad Mahmutagić – Načelnik općine
Tel.: 032/465-810; Fax: 032/465-817; E-mail: vijece@maglaj.ba

AKTI NAČELNIKA OPĆINE

396.

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ br. 49/06 i 51/09), člana 42. Statuta Općine Maglaj („Službene novine Općine Maglaj“ br. 3/08 i 6/08), člana 32. Odluke o izvršenju Budžeta Općine Maglaj za 2020. godinu („Službene novine Općine Maglaj“ broj 11/19), Načelnik općine donosi:

P R A V I L N I K O RASPODJELI NOVČANIH SREDSTAVA ZA SUFINANSIRANJE TROŠKOVA VANTJELESNE OPLODNJE

Član 1.

Ovim Pravilnikom utvrđuju se uslovi, visina pomoći i način ostvarivanja prava na dodjelu jednokratne novčane pomoći za sufinansiranje troškova pružanja medicinskih usluga vantjelesne oplodnje (u daljem tekstu: jednokratna pomoć), ženama koje su u bračnoj ili vanbračnoj zajednici sa područja općine Maglaj.

Član 2.

Uvažavajući činjenično ekonomsko stanje i pad nataliteta posljednjih godina u Bosni i Hercegovini, kao i problem bračnih partnera sa začecćem, donosi se ovaj Pravilnik koji ima za cilj podstaknuti i stimulisati žene na rađanje, što u konačnici rezultirati rastom nataliteta.

Član 3.

Sredstva utvrđena na ekonomskom kodu 614239 - 55 Poticaj demografskom razvoju (poticaj natalitetu i potpomaganje vantjelesne oplodnje) raspoređuje Načelnik općine prema rang listi komisije u skladu sa utvrđenim kriterijima, a na osnovu podnesenih zahtjeva na protokol Općine Maglaj.

Član 4.

Kriteriji za ostvarivanje prava na jednokratnu pomoć iz člana 1. ovog Pravilnika su:

1. Da žena koja podnosi zahtjev se nalazi u bračnoj ili vanbračnoj zajednici i da je brak odnosno vanbračna zajednica postojao najmanje tri godine prije podnošenja zahtjeva za ostvarivanje prava;
2. Da oba partnera u bračnoj zajednici imaju prebivalište na području općine Maglaj prije podnošenja zahtjeva, a jedan bračni partner da ima najmanje 3 (tri) godine prebivalište

na području općine Maglaj prije podnošenje zahtjeva za ostvarivanje prava;

3. Da oba partnera u vanbračnoj zajednici imaju prebivalište na istoj adresi na području općine Maglaj najmanje 3 (tri) godine prije podnošenja zahtjeva za ostvarivanje prava;
4. Da žena može roditi dijete samo u postupku vantjelesne oplodnje, za šta posjeduje odgovarajuću medicinsku dokumentaciju.

Član 5.

(1) Pravo na jednokratnu novčanu pomoć može ostvariti žena koja ispunjava kriterije iz člana 4. ovog Pravilnika za maksimalno dva pokušaja, na način da će Općina Maglaj sufinansirati troškove vantjelesne oplodnje za:

- prvi pokušaj u maksimalnom iznosu do 1.000,00 KM
- drugi pokušaj u maksimalnom iznosu od 2.000,00 KM

(2) Žena koje nisu koristile sredstva za prvi i drugi pokušaj na način iz stava (1) ovog člana mogu ostvariti pravo na sufinansiranje troškova postupka vantjelesne oplodnje za naredni pokušaj za koji podnesu zahtjev u maksimalnom iznosu od 2.000,00 KM.

Član 6.

(1) Ženama koje ostvare pravo na jednokratnu pomoć uplata sredstava će se vršiti putem nadležne Službe, a na osnovu predračuna ili računa troškova postupka vantjelesne oplodnje na račun.

(2) Nakon završenog postupka vantjelesne oplodnje korisnice prava su dužne u roku od mjesec dana dostaviti dokaz (račun i virman o izvršenoj uplati) iz čega je vidljiv namjenski utrošak sredstava dodijeljenih od strane općine.

Član 7.

Žene koje ispunjavaju kriterije za ostvarivanje prava iz ovog Pravilnika prilikom podnošenja zahtjeva na propisanom obrascu dužne su dostaviti i sljedeću dokumentaciju:

a) Za bračne partnere:

- Fotokopija lične karte oba bračna partnera;
- Dokaz o prebivalištu oba bračna partnera (original ili ovjerena fotokopija);
- Ovjerenu izjavu jednog bračnog partnera da ima prebivalište na području općine Maglaj najmanje 3 (tri) godine prije podnošenja zahtjeva za ostvarivanje prava;
- Izvod iz matične knjige vjenčanih (original ili ovjerena fotokopija);

- Nalaz i dokaz za liječenje neplodnosti metodama vantjelesne oplodnje izdat od nadležne ginekološko - akušerske klinike ili specijaliste ginekologije koji se bave humanom reprodukcijom u javnoj ili privatnoj zdravstvenoj zaštiti žene ZDK;
- Predračun ili račun troškova postupka vantjelesne oplodnje izdat od strane zdravstvene ustanove koja provodi usluge vantjelesne oplodnje;
- Fotokopija tekućeg računa podnosioca zahtjeva.

b) Za vanbračne partnere:

- Fotokopija lične karte oba vanbračna partnera;
- Dokaz o prebivalištu oba vanbračna partnera (original ili ovjerena fotokopija);
- Ovjerenu izjavu oba vanbračna partnera da imaju prebivalište na području općine Maglaj najmanje 3 (tri) godine prije podnošenja zahtjeva za ostvarivanje prava;
- Ovjerena izjava oba vanbračna partnera, data pod punom materijalnom i krivičnom odgovornošću, o postojanju vanbračne zajednice u smislu odredbe člana 3. Porodičnog zakona FBiH;
- Nalaz i dokaz za liječenje neplodnosti metodama vantjelesne oplodnje izdat od nadležne ginekološko - akušerske klinike ili specijaliste ginekologije koji se bave humanom reprodukcijom u javnoj ili privatnoj zdravstvenoj zaštiti žene ZDK;
- Predračun ili račun troškova postupka vantjelesne oplodnje izdat od strane zdravstvene ustanove koja provodi usluge vantjelesne oplodnje;
- Fotokopija tekućeg računa podnosioca zahtjeva.

Član 8.

Ukoliko podnosilac zahtjeva ne utroši namjenski doznačena sredstva odobrena od strane Općine Maglaj za sufinansiranje pokušaja vantjelesne oplodnje, dužan je izvršiti povrat doznačenih sredstava na transakcijski račun Općine Maglaj broj: 1994620075479954 otvoren kod Sparkasse bank.

Član 9.

Novčana sredstva će se dodjeljivati na osnovu Javnog poziva koji će raspisati Općina Maglaj prema kriterijima koji su definisani ovim Pravilnikom, u skladu sa podnesenim zahtjevima i redosljedom pristiglih prijava na protokol Općine Maglaj.

Član 10.

U postupku realizacije ovog Pravilnika štitit će se privatnost i dostojanstvo aplikanata koji se od neplodnosti liječe vantjelesnom oplodnjom, te se neće javno objavljivati imena i drugi lični podaci. Nakon završetka Javnog poziva i dodjele sredstava Općina Maglaj će informisati građanstvo o provedenom Javnom pozivu, broju prijavljenih i odobranih aplikanata, te iznosu utrošenih sredstava.

Član 11.

Ovaj Pravilnik stupa na snagu danom donošenja i ima se objaviti u Službenim novinama Općine Maglaj.

Broj: 01-45-1-287/20

Datum: 22.10.2020.godine

NAČELNIK OPĆINE
Mirsad Mahmutagić s.r.

SADRŽAJ

AKTI NAČELNIKA OPĆINE

396.	PRAVILNIK O RASPODJELI NOVČANIH SREDSTAVA ZA SUFINANSIRANJE TROŠKOVA VANTJELESNE OPLODNJE	1370
------	--	------